

Broj: 09-14-6-2309-5/15
Sarajevo, 10.11.2015. godine

Na osnovu Zakona o organizaciji organa uprave u FBiH („Službene novine FBiH”, broj: 35/05), a u vezi člana 14. stav (1), člana 17., člana 18. stav (1), člana 87. i člana 88. Zakona o javnim nabavkama Bosne i Hercegovine (Službeni glasnik BiH”, broj 39/14) i u skladu sa usvojenim Izmijenjenim i dopunjenim planom nabavki Federalnog ministarstva financija-finansija broj: 09-14-SI-1/15, Federalna ministrica financija-finansija donosi

ODLUKU

o ponovnom pokretanju postupka javne nabavke Usluga funkcionalne podrške za aplikaciju za trezorsko poslovanje (ISFU)

Član 1.

Odobrava se pokretanje postupaka javne nabavke Usluga funkcionalne podrške za aplikaciju za trezorsko poslovanje (ISFU) za potrebe Federalnog ministarstva financija-finansija, procijenjena vrijednost javne nabavke (bez PDV) iznosi: 40.000,00 KM (slovima: četrdesethiljada KM), postupak javne nabavke provest će se putem konkurentskog zahtjeva za dostavu ponuda u skladu sa Zakonom o javnim nabavkama i podzakonskim aktima. Za provedbu javne nabavke roba i usluga iz stava (1) ovoga člana osigurana su sredstva u budžetu.

Kriterij za dodjelu ugovora za odobreni postupak javne nabavke usluga iz člana 1. je najniža cijena.

Član 2.

Tendersku dokumentaciju u skladu sa članom 53. Zakona o javnim nabavkama Bosne i Hercegovine (Službeni glasnik BiH”, broj 39/14) će pripremiti Komisija za nabavke koja je imenovana posebnim rješenjem o imenovanju broj: 03-05-1-4818/15 od 28.07.2015. godine godine.

Član 3.

Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH”, broj: 103/14).

Komisija za nabavke izvršit će poslove utvrđene članom 5. stav (2) i stav (3) Pravilnika o uspostavljanju i radu komisije za nabavke („Službeni glasnik BiH”, broj: 103/14).

Član 4.

Odluka stupa na snagu danom donošenja.

DOSTAVLJENO:

- Sektoru za ekonomsko-financijske i zajedničke poslove
- Arhivi



Obrazloženje

Odlukom broj: 09-14-2309-3/15 od 13.07.2015. godine odobren je postupak javne nabavke Usluga funkcionalne podrške za aplikaciju za trezorsko poslovanje (ISFU) za potrebe Federalnog ministarstva financija-finansija. Odlukom o poništenju postupka predmetne javne nabavke broj: 09-14-3047-11-15/15 od 22.10.2015. godine u cjelosti je poništen odobreni i provedeni postupak javnih nabavki za nabavku Usluga funkcionalne podrške za aplikaciju za trezorsko poslovanje (ISFU) broj: 09-14-3047-11/15 od 29.09.2015. godine.

U skladu s članom 18. Zakona o javnim nabavkama Bosne i Hercegovine (Službeni glasnik BiH", broj 39/14) i usvojenim Izmijenjenim i dopunjenim Planom nabavki Federalnog ministarstva financija-finansija broj: 09-14-SI-1/15, Federalna ministrica donosi Odluku o ponovnom pokretanju postupka javne nabavke za nabavku Usluga funkcionalne podrške za aplikaciju za trezorsko poslovanje (ISFU).

Na osnovu člana 14. stav (1), člana 87. stav (2), člana 88. i člana 89. Zakona postupak javne nabavke za nabavku Usluga funkcionalne podrške za aplikaciju za trezorsko poslovanje (ISFU) za potrebe Federalnog ministarstva financija-finansija provest će se putem konkurentskog zahtjeva za dostavu ponuda, kriterij za izbor najpovoljnijeg ponuđača za zaključenje Ugovora na period od 12 mjeseci je najniža cijena za najpovoljniju ponudu za pružanje Usluga funkcionalne podrške za aplikaciju za trezorsko poslovanje (ISFU).

Bitne činjenice za donošenje Odluke o pokretanju predmetne nabavke su: predložena nabavka je planirana Izmijenjenim i dopunjenim Planom javnih nabavki za 2015. godinu – stavka usluge: 4., vrijednost na tržištu je realno procjenjena, osigurana su sredstva za isplatu i predložena je odgovarajuća vrsta postupka.

Tenderska dokumentacija se može preuzeti u skladu s članom 55. Zakona o javnim nabavkama Bosne i Hercegovine (Službeni glasnik BiH", broj 39/14).

Na temelju utvrđenog činjeničnog stanja, odlučeno je kao u članu 1. ove Odluke.